

ORATIO
IN FVNERE
CLEMENTIS XII
P. M.

HABITATA
IN MAJORE ECCLESIA AVERSANA
AB HIERONYMO SERAQ

Ejusdem Ecclesiae Canonico

XI. Kalendas Martii
MDCCXXX.



7

10

11

12

13

14

15

16

17

18

19

20

ILLVSTRISSIMO AC REVERENDISSIMO DOMINO

D. NICOLAO SPINELLO
EPISCOPO AVERSANO

HIERONYMVS SERAVS
FELICITATEM.



I tempus mihi ul'um antea oblatum fuit
ejusmodi, quo mei me ingenii magnopere
poeniteret ; id certe ante hos
paucos dies incidit nec opinanti, cum
auctoritate imperii Tui, Praesul Amplissime,
CLEMENTEM XII. P. M.
nuper totius Christiani orbis luctu elatum, inter
parentalia sacra indicta & procurata abs Te, lau-
dandum e loco superiore suscepi. Cum enim intel-
ligerem, Te summi sanctissimique Principis, de
omni quidem hominum genere praeclare meriti, de
Te autem etiam praeclarissime, quem vivum atque
A 2 inpe:

imperitantem omni officio ac pietate persecutus es-
ses, ejusdem extincti memoriam nomenque tam co-
lere impense, nunquam ut Ipse Tibi in eo ornando
satis esse facturus viderere; dolebam equidem, gra-
viterque ferebam, nulla parte me posse vel illius
in Te meritis, vel observantiae in illum tuae pa-
rem orationem asferre. Tamen, quoniam manda-
tam provinciam detrectare neque jus mihi, neque
fas erat; inveniendi, quod ea brevitate temporis po-
tui, nervos industriae; ea me cogitatione suscen-
tans, tali tantoque Pontifice ad laudandum propo-
sito, facile me infanctiae meae abs Te maxime, tam
ab Aversano populo universo veniam impetraturum.
Neque vero mea me (quae singularis est humanitas
tua) opinio spesque fefellit. Modo cum, quod de
CLEMENTIS XII. laudibus verborum feci, id sol-
lendum servandumque, ac in lucem edendum jusseris:
nae Tu agis cum Illo quidem pie atque officiose;
ut, cujus in Te insignia exstant benevolentiae do-
cumenta, erga eum Tuae observantiae studique sem-
piterni testimonia nemo desideret: mecum autem,
quid dicam? jure prorsus tuo: nimirum ut non
voluntatem modo meam, sed & existimationem,
quantula illa est, si modo est, imperio tuo, officio-
que devoteam. Nec id vero non libens faxim: erit-
que pulchrum mihi atque praeclarum, Tibi, ut
spero, non injucundum, eandem hanc lucubratiun-
culam & Tuae incomparabilis in CLEMENTEM
XII. & meae in Te, Praesul Amplissime, eximiae
observantiae apud homines restem exstare.



I qua funerum officia iusta revera, sanctaque ac laudabilia exstiterunt; nullum profecto alias nec iustius sanctiusque illo, nec laudabilius inventum est, quod hoc tempore Parenti optimo pietas, Principi benemeritissimo observantia, gratusque animus, summo Christianae Ecclesiae Pontifici religio, extincto creptoque persolvit. Neque vero tuae unius hae partes sunt, quamvis sint illae praecipuae, longeque gravissimae, NICOLAE SPINELLE, Amplissime Praesul; qui & nuper nuntii huiusce acerbitate vehementer commotus es; & hoc ipso tempore, funebri isthac pompa pie magnificeque instituta, publicis sollemnibusq; parentalibus indictis, laudatione etiam hac qualicunque imperata; piacularem divini Agni hostiam rite pro aeterna spiritus illius requiete obtulisti: sed & ego ipse, quem ad dicendum surgere voluisti, & conventus hic frequens ordinis plebisque tuae, unaque omnis plane Christianus Orbis CLEMENTEM XII. maximum sanctissimumque Pontificem pro suo cuiusque officio sublatum dolet. Nam etsi illius vel provestissima aetas, vel afflicta & profligata valetudo haud ita omnino insperatam nobis tantam jacturam, atque inopinatam effecerant; haud tamen illam minus acerbam, minusque luctuosam efficere valuerunt. In communi ergo iustissimaque lamentationis causa, una reliqua est ad nos consolandos recordatio, quae videlicet omnis in laudum illius commemoratione versetur. Quamvis enim oratio ejusmodi potius ad

acuendam doloris asperitatem, quam ad leniendam pertinere posse videatur; tamen officii pietatisque vestrae est, Auditores, ita Parentis optimi gloriam vestris utilitatibus anteferre, ut CLEMENTIS XII. & virtuti, & virtutis praedicationi aequis animis ac volentibus favcatis. Verum enim vero cum ad dicendum de supremo Ecclesiae Moderatore, Christique Jesu in hac tanta procuratione Vicario aggredior; magno statim timore corripior, ne laudationis genus ratioque inita a me minus digna tanta vel gravitate, vel sanctitate personae, minusque apta reperiatur. Itaque quae Majorum decora, quae clarissimae inter Italos vetustissimaeque Familiae ornamenta aliis oratoribus aditum ad commendationem, atque adeo viam latissimam aperirent; ea mihi hoc tempore de Christiani Pontificis laudibus differenti, propemodum ceu scopulum quendam, ac scythim, caute praetereunda esse perspicio. Quanquam enim omnia id genus munera atque ornamenta fortunae saepe a praestanti bonitate ingenii, saepe ab singulari subactaque virtute pietati subservire, magnoque usui esse jubentur; non est tamen, cur in angusta, divinaque Pontificis imagine adumbranda de generis claritate magnopere laboremus. At enim ut cetera omnia Gentis, belli pacisque & artibus florentissimae, & gloria atque insignibus ornatissimae decora praetermittam, nullumque ex tanta Heroorum multitudine appellem; te tamen, Andrea, Fesulanæ Ecclesiae sidus, quem summa in omni genere virtus ad divorum religionem & sanctimoniam consecravit: te, Americæ, qui ob eximiam virtutum laudem primus Florentinorum Archiepiscopus creatus es; vosque Petrum, ac Nereum R. Ecclesiae Cardinales amplissimos, eosdemque sapientissimos, tacitos omni-

7
no praeterire non possum. Nimirum ut in vestibulo omnes intelligant, egregiam hanc juvandae ornae-
daque Ecclesiae gloriam in Laurentium jure veloti he-
reditario propagatam esse: rursusque antiquam generis
laudem in herede hoc, ingenti virtutis ac dignitatis
accessione, cumulatam. Jam vero ut de Laurentii ipsius
laudibus, ac primum de hominis ingenio, animique
habitu dicamus; mihi videor tuto affirmare posse,
proprium illi perpetuumque fuisse, ut ad praeclara
omnia & natura factus, & industria adjutus, & labore
perfectus esse videretur. Egregia, celsaque indoles ani-
mi, virtutis gloriacque stimulis plurimum agitari soli-
ta. Eadem nec a mollitia enervis ac dissoluta, nec ab
severitate aspera atque agrestis; sed mirum in modum
acquabilis ac temperata. Beneficii cum dandi, sicubi
posset, studiosus erat; tum reddendi diligentissimus: ut
& munificentia sibi plurimos haberet obstrictos; & ipse
relata aliis gratia; se, cum posset, libenter exsolveret.
Pudore atque honestate, cujus cum ad omnem laudem,
tum ad Ecclesiastici muneris sanctitatem vis est maxi-
ma, usque adeo per omnem vitam est delectatus, ut
inter lautissimae Domus delicias, inter plurima incita-
menta opportunitatesque licentiae, inter innumera-
bilium hominum vel necessitate partam, vel volun-
tate quaesitam familiaritatem, semper non modo a
crimine, sed a criminis etiam suspitione vacaverit.
Justitiae autem cum primis tenax cultorque insignis
prope ad religionem: qui alienas opes, utilitates, exi-
stimationem non modo sibi sancta esse perpetuo du-
xerit; sed ne verbo quidem ab aliis violari apud se ali-
quando siverit. Porro divitiarum cupiditate, qua & ce-
tera perturbantur officia, & maxime Ecclesiastici ordi-
nis dignitas labefactor, sic ille semper abhorruit, ut

neque earum unquam aggerendarum curam cogitationemque susceperit; & ita servandas judicavit, ut illas passim vel pauperum usibus, vel amicorum temporibus patere ac prodesse pateretur. Pateretur? imo vero cuperet maxime, atque gessit. His itaque animi dotibus exornatus, ad sacrum Ecclesiae ordinem cum se Laurentius applicuisset; divino consilio factum est, ut, qui olim omnium in Ecclesia graduum munusque distributor futurus erat, idemque temperator & censor, is a primo velut honorum gradu exorsus, inque levioribus antea partibus agendis praeclare versatus, aliquando ad summam, caeloque proximam Potestatem instructior, atque exercitior adveniret. Nam Romae inter lectissimos Ecclesiae S. Mariae Majoris Canonicos in ipso juventutis flore cooptatus est. Deinde cum ad rem publicam feliciter accessisset, coepissetque, Romanorum Praefulum numero additus, honoribus servire; Pontificii aerarii curatio, quae videlicet non pecuniosum modo hominem, sed fidelem in primis, industriumque ac providum exposcit, Corsino commissa est; ab eoque ita gesta, ut aliquando rem ipse suam, quam vel publicas rationes, vel suam fidem quidquam detrimendi capere maluerit. Multa sunt in ea provincia adornanda a Laurentio vel facta fortiter, vel provisafapienter, vel decreta utiliter, vel parata opportune. Ergo cum egregiam apud omnes bonos providentiae, dexteritatis, abstinentiae laudem promeruisset, operamque suam ac fidem Clementi XI. summi judicii, divinaeque sapientiae P. M. abunde probasset; in sacrosanctum Cardinalium Collegium, omnium ordinum gratulatione, relatus est. O diem illum beatum! faustum Romae, laetum Etruriae, toti Christianae rei salutarem! quo die haec tanta virtus, aditu ad

Petri Cathedram patefacto, Catholicae Ecclesiae felicitati & gloriae dicata ac reservata est. Tanta ergo Laurentius auctus accessione dignitatis, sic deinceps impensius virtuti & laudi, sic Ecclesiae utilitatibus atque splendori, sic humanitati etiam ac officio deservivit, ut tribus Pontificibus oppido carus, populo plebi-
 que Romanae pergratus, amicis jucundissimus, in omnium oculis atque ore ferretur. Neque vero quod domum suam plurimis semper, sed iisdem honestis atque ornatis viris patere, celebrarique vellet, in ea re humanitatis modo, ac liberalitatis specimen praeuisse illum reputandum est: sed ad sanctiorem multo, dignioremque usum totum id genus feliciter fuit ab homine sapientissimo revocatum. Nimirum ut Juventus illa Romanis honoribus initiata, ab iis conventibus, ab iisque relaxationibus, quae decoris minus, periculi plus habebant, avocaretur: tum quoque ut illuc omni ex urbe congregata, haberet apud sese de communibus causis, negotiisque gravissimis differendi locum non opportunissimum tantum, sed prope etiam voluptarium. Adeo verum est, summorum virorum non negotii solum, sed otii quoque rationem exstare: ipsorumque ne animi quidem laxamenta vacare a publicae utilitatis laude, atque virtutis. Quod si tantum ejus viri remissioni tribuimus; quantum industriae, ac labori? quantum vigiliis, curisque pro Romanae Curiae, pro totius Ecclesiae splendore atque incolumitate susceptis? quantum illius in dicenda in sanctissimo Senatu sententia fidei, sagacitati, constantiae? quantum Regularis etiam disciplinae, cujus forte tutelam gerebat, fovendae juvandaeque studio tribuimus? Sed enim super eam honestatem sanctitatemque consilii, qua ille subsecivarum quoque hora-

rum fructum ad virtutem praeclare referebat ; alterum etiam Ecclesiae emolumentum ex illiusmodi instituto occulta divini consilii vis comparabat. Scilicet ut is tanta variorum hominum consuetudine, suo non modo usu, sed prope etiam periculo disceret, eccui se hominum generi Princeps committat ac dedat : quam facile hic in veri ignorance atque errore versetur : tum quae sit hominum de imperii conditione, de vita Principis persuasio ; quae mens ; quis rumor : tum illud quoque, Christianae rei toto orbe terrarum tempora ecquam ab Romano Pontifice operam exposcant. Quibus, aliisque id generis plurimis longo usu cognitis penitusque imbibitis, Laurentii animus, ceteroqui acrior atque erectior, sensim ad Summi Pontificatus rationem absolutissimam divinitus conformaretur. Quid? quid vos interea, Romanae Ecclesiae Patres sanctissimi? uno in conclavi, sancto quidem illo atque augusto, cetera perquam incommodo, diurna nocturna, quae consilia agitis, ecquem Petri Cathedrae, Benedicti XIII. Pontificis pientissimi fato vacanti ac viduae, ceteraeque Ecclesiae universae summum sacrorum Antistitem praeficiatis? Quid? num Cardinalis Corsini sapientiae, religionis, fortitudinis plane Pontificiae quispiam vos, vos, inquam, commonefaciat? Quam ob rem vos ipsi curis ac labore, Ecclesiam exspectatione diutius distineri patiemini? At o factum bene! Auditores: Auctori, ac duci consilii Christo gratias sempiternas : tuque o maeste, Patrum purpuratorum conventus amplissime. Laurentio Cardinale Corsino ad Petri sedem everso, neque vos unquam iudicii vestri, neque sui unquam CLEMENTIS XII. Ecclesiam poenitebit. Age vero, Pontificis huius Maximi quae in Ecclesia gerenda ratio fuerit, quae mens, quae instituta, videamus. Certe

qui-

quidem, illud statim a suscepto Pontificatu consilium, quo lectis ex omni Cardinalium coetu nonnullis, gravitate, prudentiaque, ac studio Ecclesiasticae disciplinae magis vigentibus; flore, inquam, amplissimi ordinis; cum iis gravissimas curas suas, summamque rerum partiri instituit; quam laeti ad universam Ecclesiam, quam praeclari ominis instar fuit? Nempe hoc uno experimento & prudentiam singularem, & admirandam animi modestiam, & studium publicae utilitatis incensissimum probavit; bonisque omnibus ad laetiora jam sibi pollicendum signum aliquod sustulisse visus est. Nec porro ab eo, quod semel fuerat ingressus, curriculo vel minime deflexit. Nam & gravissimorum, quos ipse adscivisset, Administorum opera usus perpetuo est; nec quidquam, magnum, leve, mediocre, nisi per eos, quorum id esset muneris, transigebat. Verum ita sinebat multorum auxilio se tantarum curarum mole levare, ut nihilo secius, quod suarum partium erat, obiret ipse quam diligentissime. Quippe conveniendi sui, Pontificis, inquam, Maximi, ejusdemque gravissimis non curarum modo, sed & aetatis, & valetudinis incommodis implicati, tantam faciebat cuivis hominum generi quotidie potestatem, quantam nedum ab ea maiestate Principis, sed vix a privato quodam vel patientiore tibi polliceri facile potuisses; vix ut sibi curandi corporis tempus reliquum faceret. Tum quibus facillimos ad se accessus esse voluerat; eisdem se ipse multo etiam faciliorem, benignioremque praebebat: prorsus ut ab ejus alloquio conspectuque nemo, non dico tristis, sed non latus ac prope beatus discederet. A cognoscendis autem, expediendisque negotiis nec dolore ullo, nec imbecillitate virium, nec ipso paene vitae discrimine unquam cessabat; illudque clarissimi Principis

cipis fortiter dictum, & voce saepissime, & re usurpabat; imperatorem stantem mori oportere: nam saepe extremo prope spiritu connitens, ne inter agendum occumberet, verendum fuit. Porro quidquid tandem rerum omnium ageretur; id ille ita tractabat, nulli ut causae vel levissimae sibi indormiendum existimaret. Ac licet ad lenitatem esset natura & voluntate propensior; clementiamque Christiano Pontifice dignissimam etiam nomine adamasset; tamen si qua causa incidisset ejusmodi, in qua forte vel justitia, vel religio, Sedisve Apostolicae dignitas dimicaret; cerneret illum scopuli instar immotum atque obstinatum, nulla vi posse de proposito statione moveri. Nulla hanc Pontificiam pectoris firmitatem privatorum ratio commodorum, nulla temporum asperitas, nulla rerum perturbatio, nulla impendentis calamitatis atrocitas, nulla exanimati paene corporis infirmitas labefactare potuerunt. Deus immortalis! quam pulchram, quamque praeclaram clementiae atque constantiae temperationem! Atqui haec, quam uno paene spiritu pronuntiavi particulam laudationis, qualem quantamque laudis materiam habeat; etiam me tacente, cognoscitis, Auditores. Cum enim haec scilicet omnia non ad unius temporis, non ad unius facinoris, sed ad totius Pontificatus, ad singulorum dierum atque operum commendationem pertineant; ecquid de CLEMENTE praedicabimus vel majus ad gloriam, vel ad virtutem uberius, quam illum cum primis studiosum atque assiduum, justum, mansuetumque, ac fortem Pontificem extitisse? Verum ut certis quibusdam praeclare factorum tractibus oratio deferatur; praestantissimi cujusque imperii, maximeque omnium Pontificii, gloriam ac felicitatem contineri putaverim iis videlicet bonis ampli-

plificandis, quibus ipsius rei publicae felicitas & gloria continetur; religione, litteris, commoditate, ac magnificentia: de quibus prope exitum orationis meae dicam & parcius, & tenuius, quam rerum vel multitudo, vel dignitas postulare. Nam CLEMENTIS quidem XII. studio ornandae promovendaeque Religionis quae par poterit oratio reperiri? Sane dicatarum Deo aedium cultus ac splendor & ad exercendam religionem, & ad testandam, & ad augendam plurimum valet; sic, ut ipse in sacris litteris Deus ex templi sui negligentia atque squalore reverentiam quoque Numinis abjectam evincat. Urbs autem Roma cum olim templorum nitore & amplitudine omnem terrarum orbem non vincebat modo, sed splendore etiam rapiebat: tum hoc Pontifice longe se ipsa ornatio, atque splendidior visa est. Nam ceteras ut omittam ab eo aut exaedificatas, aut reparatas, aut expolitas, aut ditatas Ecclesias; vel una Lateranensis Basilicae, omnium scilicet quae in Urbe, quaeve in orbe sunt, Ecclesiarum parentis ac principis facies, opere insigni, maxima impensa, labore plurimo exornata, amplissimum ac sempiternum exstabit CLEMENTIS XII. religionis magnificentissimae monumentum. At enim ad causam leviora haec: illa multo graviora, quae ad templum spectant Dei vivi, quod sumus nos, qui aedificamur domus spiritualis. Porro in hanc partem cum nil sit Episcoporum ordine vel ad dignitatem, vel ad salutem Ecclesiae potius, atque praestantius; tam rei gravitati Pontificis sapientia probe respondit, ut nonnisi spectatae virtutis hominibus, hisque in Ecclesiastica militia dudum stipendia rite promeritis, ad tantam muneris sanctitatem aditum, atque adeo spem ullam esse vellet: tum Episcopaliū officiorum curam diligentiamque omnium, maxime vero

ejus,

ejus, quod ceterorum instar est, assiduitatis ac residentiae, severissime urget. Disciplinae vero Ecclesiasticae seu restituendae, seu provehendae quanto studio flagrasse illum statuetis, qui cum turbatum aliquid in Syrophoenicia audivisset, ad usque eam, tanto terrarum mariumque tractu remotam, regionem, virum lectissimum, cujus in fide ac sapientia plurimum conquiesceret, ad habendum de rerum summa Concilium, ante paucos hos annos e suo sinu dimittere non dubitaverit? Qui & degentium in illa ipsa terrarum parte Monachorum vivendi rationes cognitae probavit; probataeque paterne complexus sit? Qui Aegyptios, qui Aethiopes, qui Melchitas Monachos, religionis vitaeque perfugium ac subsidia requirentes, non modo benignissime acceperit; sed & templis sedibusque, atque omni in Urbe ope donatos, Romanae Ecclesiae, tantarum gentium defectione moerentis, & spei & solatio reservavit? Qui Graecae etiam juventutis ut institutioni, ac saluti prospiceret, amplissimum in Lucanis Seminarium e fundamentis excitaverit, omnibusque tum ad profectum, tum ad perpetuitatem adjumentis instruxerit? quo plane divino consilio nil excogitari potuit non disciplinae solum, sed etiam Catholicae Fidei amplificandae conducibilis. Ita enim Graecorum soboles Christiana fide pura putaque, vetustis gentis deliriis excussis, imbuta, tum rite sacris initiata; & suam tueri, & aliorum procurare facili negotio sanitatem queat. Atque o quam felix, quamque beata Ecclesia! quam tibi etiam, CLEMENS XII. obstricta beneficio futura est! cum sensim eorum hominum & pertinacia emollita, & labe deterfa, quaesitae tanto opere integritatis Fidei, animorumque foederationis gloriam tibi praeter reliquos reservatam gratulabitur. De di-

ligentia autem, caritate, munificentia, quam trahendis ad Christum gentibus, & posita a nobis, & religione remotissimis; quam Saxoniae populis ad Romanam fidem alliciendis; quam nonnemi etiam virorum principum ex haeresi ad Catholica instituta revocato, bonus Pastor impendit, hic mitto dicere, Auditores: quae pauca de CLEMENTIS augendae Religionis studio vix numerando percensui; ea satis, credo, probabunt, hujus Pontificis sedulitatis, caritatisque eisdem fines fuisse, qui potestatis atque auctoritatis; eumque hoc potissimum nomine cum sanctissimis illis Pontificibus, qui Christianam rem illustrarunt, auxeruntque maxime, posse conferri. Jam vero ad Litterarum ornamentum atque praesidium & ipse sua sponte, celsitateque animi ferebatur; & domesticis etiam majorum exemplis vocari se sentiebat. Meminerat enim praeter ceteros Petri illius, qui postquam ob egregiam Ecclesiae & Imperio navatam operam, ab Urbano V. P.M. Romanam purpuram, a Carolo IV. Rom. Imperatore sibi ceterisque Florentinis Episcopis S. R. I. insignia retulisset; Florentiae celeberrimum disciplinarum Gymnasium erexit, censuque ditavit, ac legibus communivit. Itaque CLEMENS vix Apostolica Sede totius Christiani orbis plausu consensa, coepit de scientiarum cultu augendo, deque studiorum ratione feliciter recudenda, viris etiam doctissimis in consiliorum societatem accitis, diu multumque cogitare. Tum libris, scientiarum videlicet securitati ac perpetuitati, tantum curae atque honoris adhibuit, ut & domi quidem suae maximam splendidissimamque aedium partem illis assignaret; & Vaticanam Bibliothecam, dignam scilicet Pontificia maiestate suppellectilem, non modo laxatis spatiis, plu-

teis instructis, novis libris coemtis, aut ab omni terrarum angulo conquisitis, vasis Etruscis, veterumque Graecorum, ac Romanorum Imperatorum numismatis pretiosissimis comparatis, ornandam in praesens, diandamque curaret: sed in sempiternum etiam tempus prospiciens, & futuras omnes impensas in Papalem fiscum rejiceret, & opportuna omnia litterarum illi thesauro tuendo severissimis legibus constabiliret. Quid de Capitolio dicam, quod ab hoc Pontifice immensa simulacrorum, litteratorumque monumentorum copia exornatum, tantam vel in magnificentia atque pompa doctrinae lucem & adjumentum ostentat? Quid de Picturae, de Sculpturae, de Chalcographiae etiam studio retinendo, excolendoque? quam in rem unam Princeps incomparabilis & sestertium vicies libenter impendit, & multa quoque in futurum tempus sapienter edixit. Itaque quod hoc tempore litterae, artesque ceterae elegantiores in defuncti jam memoriam exornandam, aeternitatisque ingenti cum laude transmittendam, collatis veluti operis, conspirarint; nae illae patronum suum, atque amplificatorem videntur agnoscere; & deesse, qua re cunque possent, officio noluisse. De commoditate autem & magnificentia nihil est, cur agam pluribus, Auditores: quo enim illustriora Pontificiae munificentiae monumenta exstant, eo minus oratoris operam industriamque desiderant. Sed & conjungendas eas oratione judicavi, quas video ab hoc Pontifice nunquam fuisse vel in proposito, vel in actione discretas. Ita enim ad eximia omnia factus ille, comparatusque erat, nihil ut magnifice faceret, quod non simul esset utilissimum; nec quidquam rursus utiliter, quod non simul magnificentissimum videretur. Testis est Ravenna (quin testis ipse es locupletissimus, qui tum

adcras,

aderas, & rerum etiam pars non modica exististi, Amplissime Praeful) cui urbi cum gemini fluvii majorem in modum essent infesti; CLEMENS retortis in alium cursum amnibus atque deflexis, pontibusque atque immanibus molibus extractis; caelo salubritatem, indemnitate agro, civibus, viatoribus incolumitatem asseruit. Testis Ancona, quae portu non solum ampliore, longeque quam antea, instructiore, sed etiam tutissimo, immuni, celeberrimo ad totius Italiae opportunitatem aucta, ornataque est. Testis Pontificiae ditionis tractus omnis. quid? heus pueri, infelix genus, ac luctuosum, quos vix maternorum viscerum claustris emissos vel criminis alieni conscientia, vel rerum desperatio miserandae neci nil meritos addixit atque devovit; si quam vitae, si quam salutis spem reliquam aspexistis; si e faucibus fati ereptos victus, pietatis, industriaeque in omnem aetatem subsidia exceperunt; Parentis, Parentis, inquam, hujus studiosissimi curis, laboribus, auspiciis in omnem aeternitatem acceptum ferre non pigeat. Testis Roma ipsa, quae tam multis magnificentiae gloriaeque CLEMENTIS XII. vestigiis impressa est, ut quocunque posthac civium, exterorum oculi incurrerint; omnino in erecta, ampliata, illustrata ab eodolibra, in excitatas & fundamentis aedes laxissimas regiasque, in aquarum salientium & copiam auctam, & fontes exornatos, in vias vel de novo, civitatis commodo atque ornamento munitas, vel molliores ac nobiliores effectas, in triumphales Arcus, ac trophaea Christiani nominis restituta; uno verbo, in CLEMENTIS XII. immortalia beneficia vel inviti incurrant, necesse est. Ut urbs ad omnem majestatem & gloriam fato quodam suo facta atque educata, tantis se jam partibus augustiorem agnoscat; veteres ut illos rerum Dominos aliquando dediscens, malit jam inde

inde

inde Christianis Pontificibus, teque potissimum, CLEMENS XII. hoc etiam nomine gloriari. Quod enim vero tantum Urbis illustrandae studium eam quoque ob rem mirandum magis in hoc Pontifice, ac praedicandum est; quod cum ille tantorum operum fructum usumque nedum capere ullum, sed ne aspectum quidem unquam sperare prae valetudine posset; satis intellectum est, cum ista faceret, non voluptati illum suae, quae inde solet exsistere magna atque honesta, sed divino cultui, sed populi commodis, sed Urbis ornamento tanto opere intervisse. At pro rerum humanarum vicem! A tantis operibus, tamque magnificis illico ad dolores, ad acerbitates, ad extrema omnia recidit ac decurrit oratio. Quamquam, si verum amamus, Christianaque scita, quibus sumus initiati, tenemus; nullum certe ad tanti Pontificis, vitaeque ejus omnis commendationem opus exstare fatebimur majus, atque insignius illa, quam cum semper in adversae valetudinis incommodis, tum vero in vitae reliquiis illis miseris usus est, patientia: quandoquidem haec *opus perfectum habet*. Igitur cum CLEMENS jampridem & oculis, & reliquo corpore ita esset affectus, nullum ut vitae fructum, praeter laborem doloremque caperet; ea tamen fuit pietate animi atque constantia, quae & in Christianum hominem, & in Christianorum Pontificem conveniret. Nam quidquid temporis a publicis vacaret officiis, totum id sanctissimis precationibus tribuebat (quippe & multas religiosissime usurpabat ex tempore, & ad Canoniarum Horarum regulam quotidie precabatur, ejus scilicet opera atque oculis, qui sibi a sacris precibus erat, adjutus) neque unquam vox ejus ulla audita est, vel tum cum acerbissimis doloribus atque incredibilibus torqueretur, quae non dico iratum, non dico fastidientem, sed vel com-

mo-

motum, sensumque capientem doloris indicaret. Cumque propinquantis jam fati a suis, moestis illis ac pavidis nuntium accepisset; non haerere, non tergiversari, non animo, non vultu commoveri; sed incredibili fortitudine planeque christiana virtute paratum se atque expeditum divinae voluntati dedere. Mox Sacramentis, quibus ad caelestem beatitudinem capeffendam instruimur, magno cum pietatis sensu perceptis; suis omnibus accitis atque adesse iussis; qua solebat, maiestate oris, gravitateque sermonis professus est: Se de Pontificatus sui ratione non commoveri vehementer atque angī: quippe qui ad eam diem, quod norat, quodque ea infirmitate corporis potuerat, praestitisset, recta semper mente, sanctoque proposito: quando autem videre ipse per se multa, atque efficere nequiverit; se eorum, quibus animi sui sensa & cognita fuisse sciebat, & sancta, fidei commisisse: aliaque in eam sententiam sapienter & graviter effusus est. Tum qua erat, & Apostolici studii amplitudine, & potestatis; primum suis qui aderant, illacrymantibus, deinde Urbi Romae, Romanaeque ditioni, tum christianis Principibus, tum Catholicae Ecclesiae universae, postremo toti terrarum orbi Pontificia paternaque benedictione bona omnia adprecatus, mortem sapiente fortique homine, imo Romano Pontifice dignam appetiit. O tuam, CLEMENS Opt. Max. recordationem nullo non tempore jucundam Ecclesiae, atque honorificam futuram! Certe si quidquam apud viros bonos virtutis decus, si apud humanos & officiosos comitatis gratia, si apud gratos & memores beneficentiae vis, si apud ornatos & splendidos magnificentiae gloria, si apud Christianos homines summi sanctissimique Pontificis ratio valeat; nullum omnino hominum genus, nullum ex hac ipsa frequentia caput est, cujus ex animo tua, CLE-

MENS

MENS XII. recordatio & gratia excidat atque obli-
 tur: nullaque futura est tam virtutis inimica posteritas,
 quae de tuis immortalibus in omne genus hominum me-
 ritis, de tuis laudibus conticescat. Vestrum est, Audito-
 res, illam hoc tempore Pontifici benemeritissimo gra-
 tiam, quam ille a vobis maxime expectat, rependere:
 nimirum ut, quam ipse vobis & saepe vivens impertiit,
 & moriens adprecatus est pacem ac tranquillitatem, eam
 vos illius Animae impensis a Deo precibus impetretis;
 precesque vestras & studia cum sanctissimi Antistitis,
 qui parentalia jam rite persolvit, nostra illa atque divi-
 na, studiis precibusque conjungite. Tum vero illud quo-
 que etiam atque etiam a Christo, qui & Pastor ipse o-
 vium est, & princeps Pastorum, Sanctissima ejus Parente,
 Pauloque Apostolo patronis ac deprecatoribus, postula-
 te, ut & Ecclesiae Catholicae, suam jam orbitatem do-
 lentis, & CLEMENTIS etiam XII. quae fuerant extre-
 ma intermorientis vota, celeri faustissimaque novi Pon-
 tificis creatione expleantur.



141 0302